



"Қазақстан Республикасы мен Түрікменстанның Қазақстан-Түрікменстан мемлекеттік шекарасын делимитациялау және оны демаркациялау процесі туралы шартты бекіту туралы" Қазақстан Республикасы Заңының жобасы туралы

Қазақстан Республикасы Үкіметінің қаулысы. 2003 жылғы 28 қаңтар N 101

Қазақстан Республикасының Үкіметі қаулы етеді:

"Қазақстан Республикасы мен Түрікменстанның Қазақстан-Түрікменстан мемлекеттік шекарасын делимитациялау және оны демаркациялау процесі туралы шартты бекіту туралы" Қазақстан Республикасы Заңының жобасы Қазақстан Республикасының Парламенті Мәжілісінің қарауына енгізілсін.

жоба

Қазақстан Республикасының Заңы

Қазақстан Республикасы мен Түрікменстанның Қазақстан-Түрікменстан мемлекеттік шекарасын делимитациялау және оны демаркациялау процесі туралы шартты бекіту туралы

2001 жылғы 5 шілдеде Астана қаласында жасалған Қазақстан Республикасы мен Түрікменстанның Қазақстан-Түрікменстан мемлекеттік шекарасын делимитациялау және оны демаркациялау процесі туралы шарт бекітілсін.

Қ а з а қ с т а н Р е с п у б л и к а с ы н ы ң

Президенті

Қазақстан Республикасы мен Түрікменстанның Қазақстан-Түрікменстан мемлекеттік шекарасын делимитациялау және оны демаркациялау процесі туралы

ШАРТ

Бұдан әрі Мәртебелі Уағдаласушы Тараптар деп аталатын Қазақстан Республикасы мен **Т ү р і к м е н с т а н**,

өздерінің мемлекетаралық қарым-қатынастарын достық және тату көршілік рухында, құрмет тұту, өзара түсіністік, сондай-ақ егеменді теңдік, аумақтық тұтастық, қазіргі шекараларының мызғымастығы, әділеттілік, ішкі істеріне араласпау қағидаттары негізінде құруға ұмтылыстарын қуаттай отырып,

халықаралық құқық нормаларына, ең әуелі, Біріккен Ұлттар Ұйымы Жарғысының мақсаттары мен қағидаттарына өздерінің адалдықтарын атап көрсете отырып және Еуропадағы қауіпсіздік пен ынтымақтастық жөніндегі ұйым шеңберінде

қабылданған міндеттемелерін ұстана отырып,
1993 жылғы 19 мамырдағы Қазақстан Республикасы мен Түрікменстан арасындағы Достық қарым-қатынас пен ынтымақтастық туралы шартқа 1999 жылғы 9 сәуірдегі Қазақстан Республикасы мен Түрікменстан арасындағы Мемлекеттік шекараны делимитациялау туралы меморандумға сәйкес,
бір-біріне аумақтық сұрақтардың жоқ екендігін растай отырып, қол сұғылмаушылығын және мызғымастығын қамтамасыз ету мақсатында Қазақстан Республикасы мен Түрікменстан арасындағы мемлекеттік шекара сызығының өтуін нақтылау және заңды түрде ресімдеу қажеттілігін назарға ала отырып,
Қазақстан Республикасы мен Түрікменстан арасындағы мемлекеттік шекара барлық уақытта екі туысқан халықтардың мемлекеттері арасындағы бейбітшілік пен келісім шекарасы болатындығын атап көрсете отырып,
төмендегілер туралы уағдаласты:

1-бап

Мәртебелі Уағдаласушы Тараптар Қазақстан-Түрікменстан мемлекеттік шекара сызығы (бұдан әрі - мемлекеттік шекара) бұрынғы Қазақ КСР және Түрікмен КСР әкімшілік-аумақтық бөлінісінің негізінде өтетіндігін анықтады.

2-бап

Мәртебелі Уағдаласушы Тараптар Қазақстан Республикасы мен Түрікменстанның арасындағы мемлекеттік шекара сызығы осы Шарттың ажырамас бөлігі болып табылатын, Қазақстан Республикасы мен Түрікменстанның арасындағы мемлекеттік шекара сызығы өтуінің сипаттамасына толық сәйкес етеді деп уағдаласты (1-қосымша).

3-бап

Мемлекеттік шекара сызығы осы Шарттың ажырамас бөлігі болып табылатын масштабы 1:100 000 карта парақтарына түсірілді (2-қосымша).

4-бап

Жергілікті жердің кез келген табиғи өзгерістері, егер Мәртебелі Уағдаласушы Тараптар өзгеше уағдаласпаса, мемлекеттік шекара сызығының өтуін өзгертуге әкеліп соқпайды.

5-бап

Каспий теңізіндегі шекара Қазақстан Республикасы мен Түрікменстан арасындағы жеке шартпен белгіленетін болады.

6-бап

Қазақстан Республикасының, Түрікменстанның және Өзбекстан Республикасының мемлекеттік шекараларының түйісу нүктесі осы мемлекеттер арасындағы жеке халықаралық шартпен белгіленетін болады.

7-бап

Мәртебелі Уағдаласушы Тараптар Қазақстан-Түрікменстан мемлекеттік шекарасын демаркациялау процесіне кірісуге уағдаласты.

8-бап

Осы шарттың ережелерін түсіндіруге және қолдануға қатысты кез келген мәселелер келіссөздер және консультациялар арқылы реттелетін болады.

9-бап

Осы Шарт мерзімсіз болып табылады және күші жойылмайды.

Осы Шарт бекітілуге жатады және бекіту грамоталарын алмасқан күннен бастап күшіне енеді.

Астана қаласында 2001 жылғы 5 шілдеде әрқайсысы қазақ, түрікмен және орыс тілдерінде екі түпнұсқа дана болып жасалды және де барлық мәтіндердің күші бірдей.

Осы Шарттың ережелерін түсіндіру мақсаты үшін орыс тіліндегі мәтін пайдаланылатын болады.

ҚАЗАҚСТАН РЕСПУБЛИКАСЫ ҮШІН ТҮРІКМЕНСТАН ҮШІН
Қазақстан Республикасы мен Түрікменстан
арасындағы Қазақстан-Түрікменстан
мемлекеттік шекарасын делимитациялау
және оны демаркациялау туралы шартқа
1-қосымша

**Қазақстан Республикасы мен Түркіменстан арасындағы мемлекеттік шекара
сызығы өтуінің
сипаттамасы**

Қазақстан-Түрікменстан мемлекеттік шекарасының бастапқы нүктесі (бұдан әрі - мемлекеттік шекара сызығы) Қазақстан Республикасының, Түрікменстанның және Өзбекстан Республикасының мемлекеттік шекараларының түйісу нүктесі болып табылады. Бұл нүкте Қазақстан Республикасының, Түрікменстанның және Өзбекстан Республикасының арасындағы жеке халықаралық шартпенен белгіленетін болады.

Бастапқы нүктеден бастап мемлекеттік шекара сызығы N1 шекаралық нүктеге дейін батыс бағытта түзу сызық бойынша өтеді.

N1 шекаралық нүкте $X=4\ 576\ 660$, $Y=10\ 416\ 000$ координаттары бар К-40-100 карта парағында бейнеленген (жергілікті жердің 1974 жылғы жәй-күйі, 1984 жылғы басылым) және минус 30.7 белгісі бар топырақтық кадабелгіден солтүстікке қарай 8.97 км қашықтықта, 13.2 белгісі бар геодезиялық пункттен солтүстік-шығысқа қарай 10.40 км қ а ш ы қ т ы қ т а о р н а л а с қ а н .

N1 шекаралық нүктеден мемлекеттік шекара сызығы N2 шекаралық нүктеге дейін батыс бағытта түзу сызық бойынша өтеді. N1 және N2 шекаралық нүктелер арасындағы мемлекеттік шекара сызығының ұзақтығы 10.46 км құрайды.

$X=4\ 577\ 605$, $Y=10\ 405\ 608$ координаттары бар N2 шекаралық нүкте 209.9 белгісі бар топырақ кадабелгіден шығысқа қарай 8.12 км қашықтықта 13.2 белгісі бар геодезиялық пункттен солтүстік-солтүстік-батысқа қарай 9.31 км. қашықтықта мемлекеттік шекара сызығының далалық жолмен қиылысында орналасқан.

N2 шекаралық нүктеден бастап мемлекеттік шекара сызығы N3 шекаралық нүктеге дейін жалпы алғанда оңтүстік-батыс бағытта далалық жол бойынша өтеді. N2 және N3 шекаралық нүктелер арасындағы мемлекеттік шекара сызығының ұзақтығы 8.20 км қ ұ р а й д ы .

$X=4\ 572\ 405$, $Y=10\ 400\ 410$ координаттары бар N3 шекаралық нүкте 209.9 белгісі бар топырақтық кадабелгіден оңтүстік-шығысқа қарай 4.69 км қашықтықта, 37.2 белгісі бар геодезиялық пункттен солтүстікке қарай 8.24 км. қашықтықта, 13.2 белгісі бар геодезиялық пункттен батыс-солтүстік-батысқа қарай 9.30 км қашықтықта мемлекеттік шекара сызығының далалық, жолмен қиылысында орналасқан.

N3 шекаралық нүктеден бастап мемлекеттік шекара сызығы N4 шекаралық нүктеге дейін 177.6 белгісі бар биіктік арқылы жалпы алғанда батыс-солтүстік-батыс бағытта өтеді. N3 және N4 шекаралық нүктелер арасындағы мемлекеттік шекара сызығының ұ з а қ т ы ғ ы 3 . 4 0 к м қ ұ р а й д ы .

$X=4\ 573\ 114$, $Y=10\ 397\ 090$ координаттары бар N4 шекаралық нүкте 209.9 белгісі бар топырақтық кадабелгіден оңтүстікке қарай 3.17 км қашықтықта, 34.6 белгісі бар геодезиялық пункттен солтүстік-шығысқа қарай 9.73 км қашықтықта, 37.2 белгісі бар геодезиялық пункттен солтүстік-солтүстік-батысқа қарай 9.32 км қашықтықта Қапланқыр шыңы жарының жоғарғы бөлігінде орналасқан.

N4 шекаралық нүктеден бастап мемлекеттік шекара сызығы Қапланқыр шыңы жарының жоғарғы бөлігімен жалпы алғанда батыс бағытта өтеді, сосын К-40-99 карта

парағына (жергілікті жердің 1974 жылғы жәй-күйі, 1984 жылғы басылым) өтеді және әрі қарай К-40-87 карта парағына (жергілікті жердің 1990 жылғы жай-күйі, 1991 жылғы басылым) көшіп, жалпы алғанда солтүстік-батыс бағытта N 5 шекаралық нүктеге дейін өтеді. N4 және N5 шекаралық нүктелер арасындағы мемлекеттік шекара сызығының жалпы ұзақтығы 81.00 км құрайды.

X=4 579 890, Y=10 364 150 координаттары бар N5 шекаралық нүкте 239.3 белгісі бар геодезиялық пункттен оңтүстік-оңтүстік-шығысқа қарай 3.82 км қашықтықта, 192.5 белгісі бар топырақтық кадабелгіден солтүстік-солтүстік-батысқа қарай 0.62 км қашықтықта, 241.7 белгісі бар геодезиялық пункттен батысқа қарай 6.20 км қашықтықта Қапланқыр шыңы жарының жоғарғы бөлігінің далалық жолмен қиылысында орналасқан.

N5 шекаралық нүктеден бастап мемлекеттік шекара сызығы 11.00 км-де далалық жолды кесіп өтіп, жалпы алғанда солтүстік-солтүстік-батыс бағытта далалық жол бойынша өтеді, 17.50 км-де далалық жолды қия отырып, 264.9 белгісі бар топырақтық кадабелгі арқылы өтеді, 220.3 белгісі бар нүктеде далалық жолды кесіп өтіп, 242.6 белгісі бар нүкте мен Денелі құдығы арқылы өтеді, 213.4 белгісі бар нүкте арқылы К-40-75 карта парағына (жергілікті жердің 1963 жылғы жай-күйі, 1972 жылғы басылым) көшеді. Әрі қарай мемлекеттік шекара сызығы 50.30 км-де далалық жолды кесіп өтіп, жалпы алғанда солтүстік-солтүстік-батыс бағытта далалық жол бойымен 214.0 белгісі бар нүктеде далалық жолды қия отырып Қырықсегіз құдығы арқылы өтеді, 58.30 км-де далалық жолды кесіп өтіп К-40-74 карта парағына (жергілікті жердің 1960 жылғы жай-күйі, 1972 жылғы басылым) көшеді. Әрі қарай мемлекеттік шекара сызығы 184.0 белгісі бар нүкте мен Қошаджы құдығы арқылы жалпы алғанда солтүстік-солтүстік-батыс бағытта далалық жол бойынша өтеді, сосын 193.8 белгісі бар Кошкуи Сев. геодезиялық пункті арқылы далалық жол бойынша солтүстік-батыс бағытта өтеді, 82.50 км-де далалық жолды кесіп өтіп, К-40-62 карта парағына (жергілікті жердің 1979 жылғы жәй-күйі, 1985 жылғы басылым) көшеді. Әрі қарай мемлекеттік шекара сызығы N6 шекаралық нүктеге дейін Ораққазған-Құрлық құдығы арқылы далалық жол бойынша жалпы алғанда солтүстік-батыс бағытта өтеді. N5 және N6 шекаралық нүктелер арасындағы мемлекеттік шекара сызығының жалпы ұзақтығы 92.50 км құрайды.

X=4 656 000, Y=10 319 430 координаттары бар N6 шекаралық нүкте 199.7 белгісі бар Үшқұдық геодезиялық пунктіден оңтүстік-шығысқа қарай 6.22 км қашықтықта, 178.4 белгісі бар Шығыс Үшқұдық геодезиялық пунктіден оңтүстік-батысқа қарай 6.62 км қашықтықта және 201.4 белгісі бар топырақтық кадабелгіден шығысқа қарай 9.31 км қашықтықта орналасқан.

N6 шекаралық нүктеден бастап мемлекеттік шекара сызығы N7 шекаралық нүктеге дейін солтүстік-батыс бағытта түзу сызық бойынша өтеді. Осы учаскедегі мемлекеттік шекара сызығының ұзақтығы 5.15 км құрайды.

X=4 660 080, Y=10 316 190 координаттары бар N7 шекаралық нүкте 201.4 белгісі бар топырақтық кадабелгіден шығыс-солтүстік-шығысқа қарай 6.72 км. қашықтықта 199.7 белгісі бар Үшқұдық геодезиялық пунктiнен шығысқа қарай 1.66 км қашықтықта, 178.4 белгісі бар Шығыс Үшқұдық геодезиялық пунктiнен батысқа қарай 7.20 км қашықтықта, Көпқұдық құдықтарында орналасқан.

N7 шекаралық нүктеден бастап мемлекеттік шекара сызығы 11.00 км-де, 19.46 км-де және 25.26 км-де далалық жолдарды кесіп өтіп, солтүстік-батыс бағытта түзу сызық бойымен өтіп, К-40-61 карта парағына (жергілікті жердің 1981 жылғы жай-күйі, 1985 жылғы басылым) көшеді, әрі қарай 35.55 км-де және 44.38 км-де далалық жолдарды қия отырып, солтүстік-батыс бағытта түзу сызық бойынша өтеді де К-40-49 карта парағына (жергілікті жердің 1989 жылғы жай-күйі, 1994 жылғы басылым) көшеді, әрі қарай N8 шекаралық нүктеге дейін 50.81 км-де далалық жолды кесіп өтіп солтүстік-батыс бағытта түзу сызық бойынша өтеді. N 7 және N8 шекаралық нүктелер арасындағы мемлекеттік шекара сызығының жалпы ұзақтығы 58.75 км құрайды.

N8 шекаралық нүкте 109.2 белгісі бар геодезиялық пункттен оңтүстік-оңтүстік-батысқа қарай 2.64 км қашықтықта, 110.9 белгісі бар геодезиялық пункттен солтүстікке қарай 2.97 км қашықтықта 131.0 белгісі бар геодезиялық пункттен батыс-солтүстік-батысқа қарай 3.41 км қашықтықта Басқарасай құдығында орналасқан.

N8 шекаралық нүктеден бастап мемлекеттік шекара сызығы 0.97 км-де, 4.40 км-де және 14.55 км-де далалық жолдарды кесіп өтіп, батыс бағытта түзу сызық бойынша өтеді де К-39-60 карта парағына (жергілікті жердің 1988 жылғы жай-күйі, 1989 жылғы басылым) көшеді, әрі қарай 18.79 км-де және 26.50 км-де далалық жолдарды кесіп өтіп, батыс бағытта түзу сызық бойынша өтеді де К-39-72 карта парағына (жергілікті жердің 1988 жылғы жай-күйі, 1992 жылғы басылым) көшеді, әрі қарай 28.10 км-де, 31.01 км-де және 33.72 км-де далалық жолдарды кесіп өтіп, батыс бағытта түзу сызық, бойынша өтеді де Шағылдышор ойпаты арқылы N9 шекаралық нүктеге дейін 46.58 км-де және 52.09 км-де далалық жолдарды кесіп өтеді. N8 және N9 шекаралық нүктелер арасындағы мемлекеттік шекара сызығының жалпы ұзақтығы 54.17 км құрайды.

N9 шекаралық нүкте 44.7 белгісі бар топырақтық кадабелгіден батысқа қарай 6.96 км қашықтықта, 168.1 белгісі бар Қарынжарық төбесіндегі геодезиялық пункттен солтүстікке қарай 8.33 км қашықтықта, 133.0 белгісі бар Қырыққұлаш геодезиялық пунктiнен оңтүстік-оңтүстік-шығысқа қарай 1.81 км қашықтықта Қарынжарық құмындағы Қырыққұлаш құдығында орналасқан.

N9 шекаралық нүктеден бастап мемлекеттік шекара сызығы батыс-оңтүстік-батыс бағытта түзу сызық бойынша өтеді және К-39-71 карта парағына (жергілікті жердің 1988 жылғы жай-күйі, 1989 жылғы басылым) көшеді. Әрі қарай мемлекеттік шекара сызығы 10.14 км-де, 16.67 км-де, 16.95 км-де, 19.90 км-де, 8.04 км-де, 33.74 км-де, 35.04 км-де, 35.92 км-де, 40.82 км-де, 45.44 км-де және 47.80 км-де далалық және сүрлеу

жолдарды кесіп өтіп батыс-оңтүстік-батыс бағытта түзу сызық бойынша өтеді де К-39-70 карта парағына (жергілікті жердің 1988 жылғы жай-күйі, 1989 жылғы басылым) көшеді, әрі қарай N 10 шекаралық нүктеге дейін 51.20 км-де далалық жолды кесіп өтіп, батыс-оңтүстік-батыс бағытта түзу сызық бойынша өтеді. N 9 және N 10 шекаралық нүктелер арасындағы мемлекеттік шекара сызығының жалпы ұзақтығы 52.17 км к ұ р а й д ы .

X=4 667 154, Y=9 664 078 координаттары бар N 10 шекаралық нүкте 128.6 белгісі бар геодезиялық пункттен солтүстікке қарай 8.41 км қашықтықта, 160.7 белгісі бар Қарақабак геодезиялық пунктiнен шығыс-оңтүстік-шығысқа қарай 7.81 км қашықтықта 139.9 белгісі бар геодезиялық пунктте орналасқан.

N 10 шекаралық нүктеден бастап мемлекеттік шекара сызығы N 11 шекаралық нүктеге дейін 0.30 км-де, 4.35 км-де және 6.50 км-де далалық жолдарды кесіп өтіп, оңтүстік-батыс бағытта түзу сызық бойынша өтеді. N 11 шекаралық нүктелер арасындағы мемлекеттік сызығының ұзақтығы 6.80 км құрайды.

X=4 662 758, Y=9 658 878 координаттары бар N 11 шекаралық нүкте 128.6 белгісі бар геодезиялық пункттен солтүстік-батысқа қарай 5.95 км қашықтықта, 160.7 белгісі бар Қарақабак геодезиялық пунктiнен оңтүстік-оңтүстік-шығысқа қарай 6.98 км қашықтықта, 164.4 белгісі бар геодезиялық пунктте орналасқан.

N 11 шекаралық нүктеден бастап мемлекеттік шекара сызығы 0.53 км-де, 2.20 км-де , 2.77 км-де, 6.77 км-де, 7.11 км-де, 8.50 км-де және 13.10 км-де далалық жолдарды кесіп өтіп, оңтүстік-батыс бағытта түзу сызық бойынша өтеді де К-39-82 карта парағына (жергілікті жердің 1977 жылғы жай-күйі, 1985 жылғы басылым) көшеді, әрі қарай 16.10 км-де, 19.15 км-де, 21.57 км-де және 23.83 км-де далалық жолдарды кесіп өтіп, N 12 шекаралық нүктеге дейін оңтүстік-батыс бағытта түзу сызық бойынша өтеді. N 11 және N 12 шекаралық нүктелер арасындағы мемлекеттік шекара сызығының жалпы ұзақтығы 24.30 км құрайды.

X=4 646 136, Y=9 641 257 координаттары бар N 12 шекаралық нүкте 99.9 белгісі бар геодезиялық пункттен батысқа қарай 7.58 км қашықтықта, 106.2 белгісі бар геодезиялық пункттен батысқа қарай 9.20 км қашықтықтағы Даля тауында 124.0 белгісі бар геодезиялық пунктте орналасқан.

N 12 шекаралық нүктеден бастап мемлекеттік шекара сызығы 4.06 км-де газ құбырын, сондай-ақ 4.90 км-де, 9.20 км-де, 14.47 км-де, 16.50 км-де және 21.35 км-де далалық және сүрлеу жолдарды кесіп өтіп, оңтүстік-батыс бағытта түзу сызық бойынша өтеді де К-39-81 карта парағына (жергілікті жердің 1977 жылғы жай-күйі, 1985 жылғы басылым) көшеді, әрі қарай 24.90 км-де және 27.42 км-де далалық жолдарды кесіп өтіп, N 13 шекаралық нүктеге дейін оңтүстік-батыс бағытта түзу сызық бойынша өтеді. N 12 және N 13 шекаралық нүктелер арасындағы мемлекеттік шекара сызығының жалпы ұзақтығы 28.90 км құрайды.

X=4 626 285, Y=9 620 270 координаттары бар N 13 шекаралық нүкте 23.3 белгісі бар

геодезиялық пункттен оңтүстік-оңтүстік-батысқа қарай 4.00 км қашықтықта 46.5 белгісі бар геодезиялық пункттен батысқа қарай 4.08 км қашықтықтағы Елкелдіқайыр тауында 39.8 белгісі бар геодезиялық пункттен батыс-солтүстік-батысқа қарай 3.41 км қ а ш ы қ т ы қ т а о р н а л а с қ а н .

Қазақстан Республикасы мен Түрікменстан арасындағы сипатталған мемлекеттік шекара сызығының жалпы ұзақтығы 425.80 км құрайды.

Мемлекеттік шекараның сипатталған сызығы мәтінде көрсетілген масштабы 1:100 000 карта парағына қызыл бояумен түсірілген. Осы карталар бойынша барлық арақашықтықтар мен координаттар графикалық әдіспен өлшенген. Сипаттама мәтінде пайдаланылған орыс тіліндегі географиялық атаулардың жазылуы жоғарыда аталған карталарға сәйкес келеді.

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК